

ხელშეკრულება სახელმწიფო შესყიდვის შესახებ N (პროექტი)

(ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების დროს)

ქ. თბილისი

----- 2024 წელი

ერთის მხრივ ქ. თბილისის მუნიციპალიტეტის დიდუბის რაიონის გამგეობა, მდებარე: ქ. თბილისი, აკ. ბელიაშვილის გამზირი N1 (შემდგომში “შემსყიდველი”), წარმდგენილი -----
----- სახით და მეორეს მხრივ -----, ს/კ -----, მდებარე ----- (შემდგომში „მიმწოდებელი“), წარმოდგენილი ხელმძღვანელის ----- სახით, ვხელმძღვანელობთ რა საქართველოში მოქმედი კანონმდებლობით, გამგეობის მიერ ჩატარებული ელექტრონული ტენდერის აუქციონის გარეშე (განცხ. NAT) საფუძველზე, ვდებთ წინამდებარე ხელშეკრულებას შემდეგზე:

1. ხელშეკრულების საგანი

1.1. ქალაქ თბილისის მუნიციპალიტეტის დიდუბის რაიონის გამგეობის მიერ კულტურული ღონისძიების „გაზაფხულის დღესასწაულები - 2024“ ორგანიზების მომსახურება. გასაწევი კულტურული ღონისძიების ხარჯთაღრიცხვა (დანართი N1) ხელშეკრულებას თან ერთვის და შეადგენს მის განუყოფელ ნაწილს.

1.2. ჩასატარებელი ღონისძიების მსვლელობის პუნქტებს და დეტალებს ტენდერში გამარჯვებული ორგანიზაცია შემსყიდველთან შეთანხმებით დაგეგმავს.

1.3. კლასიფიკატორის კოდი - 79900000/79952100 - სხვადასხვა კომერციული მომსახურება და მასთან დაკავშირებული მომსახურებები / კულტურული ღონისძიებების ორგანიზება.

2. მომსახურების ღირებულება

2.1. მთლიანი სახელშეკრულებო თანხა საქართველოს კანონმდებლობით გათვალისწინებული ყველა გადასახადის გათვალისწინებით შეადგენს ----- ლარს.

3. მომსახურების მიღება ჩაბარება

3.1. მომსახურების მიღება წარმოებს მიღება - ჩაბარების აქტის საფუძველზე. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელის მოწერით.

3.2. მომსახურება ჩაითვლება შესრულებულად მიღება - ჩაბარების აქტზე შემსყიდველის მხრიდან ხელმოწერის შემდეგ.

4. ღონისძიების განხორციელების ვადები და ადგილები

4.1. კულტურული ღონისძიების ორგანიზების მომსახურება უნდა განხორციელდეს 2024 წლის 30 მარტის ჩათვლით, შემსყიდველის მიერ შერჩეულ ერთ კონკრეტულ დღეს.

4.2. ღონისძიების ჩატარების ადგილია: დიდუბის რაიონში არსებული საკონცერტო დარბაზი, სატენდერო დოკუმენტაციით წარმოდგენილი პირობების დაკმაყოფილებით.

4.3. მითითებულ დროს და ადგილას მოიტანოს და განალაგოს ცხრილში ჩამოთვლილი ინვენტარი და ღონისძიების ჩატარებისთვის საჭირო სხვა ჩამონათვალი .

5. მხარეთა ვალდებულებები და უფლებამოსილებები

5.1. შემსყიდველი ვალდებულია:

- 5.1.1. დროულად მიაწოდოს მიმწოდებელს ღონისძიების ჩასატარებლად საჭირო ინფორმაცია;
- 5.1.2. საკუთარი კომპეტენციის ფარგლებში მოახდინოს კულტურული ღონისძიების ორგანიზება;
- 5.1.3. მიმწოდებელთან დროული კომუნიკაციისათვის გამოყოს საკონტაქტო უფლებამოსილი პირი;
- 5.1.4. უზრუნველყოს მომსახურების ღირებულების დროული გადახდა მოცემული ხელშეკრულებით გათვალისწინებული პირობების შესაბამისად;
- 5.1.5. უზრუნველყოს ღონისძიებაზე მოწვევა.

5.2. შემსყიდველი უფლებამოსილია:

- 5.2.1. შემსყიდველი უფლებამოსილია არ ჩაიბაროს მიმწოდებლის მიერ გაწეული მომსახურება და არ აანაზღაუროს კონკრეტული ღირებულება თუ მომსახურება ან მისი ნაწილი თუკი არ შეესაბამება მოცემული ხელშეკრულებით გათვალისწინებულ პირობებს.

5.3. მიმწოდებელი ვალდებულია:

- 5.3.1. უზრუნველყოს მოცემული ღონისძიების ორგანიზება და ჩატარება;
- 5.3.2. დროულად მიაწოდოს შემსყიდველს ინფორმაცია ჩატარებული ღონისძიების შესახებ;
- 5.3.3. დროულად მიაწოდოს შემსყიდველს ნაბეჭდი და ციფრული პროდუქცია;
- 5.3.4. გადასცეს შემსყიდველს ჩატარებული ღონისძიების ფარგლებში გადაღებული ფოტო მასალები.

5.4. მიმწოდებელი უფლებამოსილია:

- 5.4.1. ჩასატარებელი ღონისძიების ფარგლებში გამოიყენოს შემსყიდველის ვიზუალური და ტექსტური სიმბოლიკა, როგორც ნაბეჭდ, ასევე ციფრულ მატარებლებზე;
- 5.4.2. გამოიყენოს ღონისძიების ჩატარებისას დაგროვებული ტექსტური, ნაბეჭდი, ფოტო და ვიდეო მასალა, საქართველოს კანონმდებლობით დაშვებულ ფარგლებში.

6. ანგარიშსწორების ფორმა

6.1. ანგარიშსწორება მოხდება უნაღდო ანგარიშსწორებით ლარში.

6.2. ანგარიშსწორება მოხდება 2024 წლის ადგილობრივი ბიუჯეტის სახსრებით, ღონისძიების ჩატარების მომსახურების გაწევის შემდეგ, მიღება-ჩაბარების აქტის გაფორმებიდან **არაუგვიანეს 10 (ათი) სამუშაო დღის** განმავლობაში.

6.3. ამ ხელშეკრულების მე-11 მუხლით გათვალისწინებული წესით საჯარიმო სანქციის გამოყენებისას შემსყიდველი ვალდებულია მიღება-ჩაბარების აქტით განსაზღვრული შესრულებული სამუშაოების ღირებულების ანაზღაურებისას, ხელშეკრულების პირობების დარღვევის გამო საჯარიმო სანქციით დაკისრებული თანხა დაუქვითოს მიმწოდებელს, რის შემდეგაც მიმწოდებელს ჩაერიცხება დარჩენილი თანხა.

6.4. წინასწარი ანგარიშსწორება (ავანი) არ გამოიყენება.

7. ხელშეკრულების შესრულების კონტროლის (ინსპექტირების) პირობები

- 7.1. შემსყიდველი უფლებამოსილია შესყიდვის ობიექტის მიწოდების პარალელურად განახორციელოს შემოწმება, რომლის მიზანია შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.
- 7.2. შემსყიდველის მხრიდან ინსპექტირებას განახორციელებენ ქ. თბილისის მუნიციპალიტეტის დიდუბის რაიონის გამგეობის თანამშრომლები:
- 7.3. შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს წუნდების მიზეზების მითითებით.
- 7.4. გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

8. ხელშეკრულებაში ცვლილებების შეტანა

- 8.1. მოცემულ ხელშეკრულებაში გათვალისწინებულ პირობებში ცვლილებების შეტანა შესაძლებელია მხოლოდ ორივე მხარის წერილობითი თანხმობის შედეგად;
- 8.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.
- 8.3. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან „შემსყიდველისათვის“ პირობების გაუარესება დაუშვებელია, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.
- 8.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

9. ხელშეკრულების შესრულების შეფერხება

- 9.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.
- 9.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

10. ფორს-მაჟორი

- 10.1. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით,

სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით და სხვა.

10.2. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

11. ხელშეკრულების პირობების შეუსრულებლობა (საჯარიმო სანქციები, ფორმა, ოდენობა, და გადახდის ვადები)

11.1. ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობის, არაჯეროვნად შესრულების ან/და დაგვიანებით შესრულების შემთხვევაში გამოიყენება საჯარიმო სანქციები.

11.2. ხელშეკრულებით ნაკისრი ვალდებულებების არაჯეროვნად შესრულების შემთხვევაში მიმწოდებელს დაეკისრება ჯარიმის გადახდა (გარდა შესრულების ვადის დარღვევისა) ყოველ ჯერზე ამ ხელშეკრულების მთლიანი ღირებულების 0,2%-ის ოდენობით.

11.3. ამ ხელშეკრულების 4.1 მუხლით განსაზღვრული ღონისძიების მომსახურების განხორციელების ვადის დარღვევის შემთხვევაში მიმწოდებელს დაეკისრება პირგასამტეხლო ამ ხელშეკრულების ღირებულების 0,2%-ის ოდენობით ყოველ ვადაგადაცილებულ დღეზე.

11.4. ამ მუხლის 11.2. ან 11.3. პუნქტით გათვალისწინებულ შემთხვევაში თუ პირგასამტეხლოს ოდენობა გადააჭარბებს ამ ხელშეკრულების ღირებულების 2%-ს ან ამ მუხლის 11.2. პუნქტით გათვალისწინებული სანქციის 2-ჯერ ან მეტჯერ გამოყენების შემთხვევაში, შემსყიდველს უფლება აქვს ცალმხრივად შეწყვიტოს ხელშეკრულება. აღნიშნული საფუძველით ხელშეკრულების შეწყვეტის შემთხვევაში მიმწოდებელს დაეკისრება ჯარიმა ხელშეკრულების საერთო ღირებულების 10%-ის ოდენობით

11.5. შემსყიდველი იღებს ვალდებულებას ხელშეკრულების 6.2 პუნქტის მოთხოვნის დარღვევის შემთხვევაში გადაუხადოს მიმწოდებელს პირგასამტეხლო ჩასარიცხი თანხის 0,2 %-ის ოდენობით, ყოველ ვადაგადაცილებულ დღეზე.

11.6. საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.

12. სადავო საკითხების გადაწყვეტა

12.1. ხელშეკრულების დამდები მხარეები თანხმდებიან მასზედ, რომ ხელშეკრულების ან მასთან დაკავშირებული საკითხების ირგვლივ მათ შორის წარმოქმნილი ნებისმიერი დავა შესაძლებელია გადაწყდეს მხარეთა შეთანხმებით.

12.2. თუ ასეთი მოლაპარაკების დაწყებიდან 30(ოცდაათი) დღის განმავლობაში შემსყიდველი და მიმწოდებელი ვერ შესძლებენ სადავო საკითხების თაობაზე შეთანხმებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს.

12.3. ინტელექტუალურ საკუთრებასთან დაკავშირებული უფლებებით გათვალისწინებული ვალდებულებების დაცვა და ამ უფლებების გამოყენების პროცესში წარმოშობილი დავების მოგვარება ეკისრება მიმწოდებელს.

12.4. ზიანის ანაზღაურებასთან დაკავშირებით, გამოიყენება საქართველოს სამოქალაქო კოდექსის შესაბამისი მუხლები.

12.5. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

13. ხელშეკრულების მოქმედების ვადა

13.1. მოცემული ხელშეკრულება ძალაში შედის მხარეთა უფლებამოსილი წარმომადგენლების ხელმოწერის დღიდან და მოქმედებს მოცემულ ხელშეკრულებაში მხარეთა მიერ ნაკისრი ვალდებულებების შესრულებამდე. ხელშეკრულების მოქმედების ვადაა 2024 წლის 31 დეკემბრამდე.

14. დასკვნითი დებულებები

14.1. ხელშეკრულება შედგენილია ქართულ ენაზე და ხელმოწერილია „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის შესაბამისად.

14.2. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

14.3. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც მხარეთა შეთანხმებით იგი წერილობითი ფორმითაა შედგენილი და ხელმოწერილია ორივე მხარის მიერ. ხელშეკრულებაში ცვლილების ცალმხრივად შეტანა დაუშვებელია.

15. მხარეთა იურიდიული მისამართები და რეკვიზიტები

შემსყიდველი

მიმწოდებელი